



CLASSIS X.

DE

INFUSIS ET DECOCTIS.

INFUSA ALTERANTIA.

INFUSIO FLORUM PAPAVERIS

RHOEADOS.

R̄. Florum Papaveris Rhœados exsiccatorum
— unciam semis.

Affunde

Aquæ subfervidæ — libram unam.

Maneant aliquantisper cooperto vase, ut Infusio
rubicundo colore imbuatur: colata Saccharo dulci-
ficetur ad gratiam.

Pleuriticis ac tussientibus solatium præbet.

INFU-

INFUSIO ROSARUM RUBRARUM.

Paratur eadem ratione ut Infusio Florum Papaveris Rhœados; eodemque pertinent reliquorum florum Infusa.

In febribus æstuantibus ad refrigeranda viscera & confortanda plurimum commendatur.

INFUSIO HERBARUM

VULGO DICTA

THEE GERMANICUM.

℞. Foliorum Betonicæ,

Salviæ, —ana unciam unam & semis,

Veronicæ,

Lingvæ Cervinæ,

Hederæ terrestris,

Tussilaginis,

Scabiolæ, —ana uncias tres.

Exsiccata ac mediocriter trita simul commisceantur; & ex drachmis duabus herbarum ita permixtarum fiat Infusio in libra una Aquæ ferventis, ad modum Herbæ Thee.

Usus in defluxionibus catarrhalibus, raucedine, ac tussi.

Z

IN-

INFUSIO CICHORII GERMANORUM

VULGO

SANGUIS CICHORII.

℞. Foliorum Cichorii ————— uncias sex,
 Salis Tartari ————— drachmas tres.

Infunde per noctem in
 Aquæ Cichorii ferventis ————— libris tribus.

Facta deinde forti expressione, Cichorii folia sine sale Tartari ad eandem mensuram immitte, ut fiat secunda infusio: huic tertia accedat, cum foliis pariter sine sale Tartari: erit ultima Infusio rite colata Sanguis Cichorii.

Massam sanguineam a pravis humoribus depurat, acrimoniam corrigit, & serosos humores blande subducit.

~~~~~

INFUSA PURGANTIA.

## INFUSIO ROSARUM SOLUTIVA.

℞. Rosarum communium repurgatarum ————— libram unam.

Infunde in libris quatuor Aquæ subfervidæ, & macera per horas duodecim in loco calido: facta expressione rursus eandem Rosarum quantitatem affunde, & iterum macera: sic perge affusionem decies



dies aut pluries iterando, quoad Rosæ colorem non amplius amittant. Ultimo percolatus liquor erit Infusio Rosarum Solutiva.

### INFUSIO VIOLARUM SOLUTIVA.

Ex Violis conficitur eadem ratione ut Infusio Rosarum; sed repetitæ illæ affusiones intra quatuor dies absolvendæ.

Usus Infusionis utriusque ad Syrupum ac Mel Solutivum, Rosatum & Violatum.

### INFUSIO SENNÆ.

R. Cremoris Tartari ————— uncias tres,

Anisorum contusorum — unciam unam & semis,

Cinnamomi ————— drachmas duas:

Bulliant in Aquæ fontis libris sex ad ebullitionem unicam; postea remove ab igne, & adde

Sennæ Orientalis ————— uncias sex.

Maneant infusa per noctem cooperto vase; deinde fiat colatura cum forti expressione, & Infusum colatum fervetur ad usum.

Adbibetur communiter ad alvum solvendam.

Dosis ab unciis quatuor ad uncias sex.



## DECOCTA ALTERANTIA.

## DECOCTUM PECTORALE.

R<sub>2</sub>. Hordei integri ————— libram unam,  
 Glycyrrhizæ,  
 Passularum, ————— ana uncias duas,  
 Caricas pingues ————— numero duodecim,  
 Jujubas ————— numero triginta.

Coque in Aquæ fontis libris duodecim ad consumptionem tertiæ partis, cola per linteum, ac per subsidentiam depura.

## PTISANA REFRIGERANS

FOUCQUETÆ.

R<sub>2</sub>. Avenæ repurgatæ ————— manipulos tres,  
 Foliorum Cichorii ————— manipulum unum.  
 Coque in Aquæ fontis libris duodecim ad consumptionem tertiæ partis, & adde  
 Salis Prunellæ ————— unciam semis,  
 Mellis albi ————— uncias tres.

Iterum coque ad consumptionem medietatis, & cola ad usum.

DE-



## DECOCTUM APERITIVUM.

℞. Radicum Graminis,  
 Asparagi,  
 Fœniculi,  
 Apii,  
 Petroselinii,  
 Rusci,  
 Rubiæ Tinctorum,  
 Cicerum rubrorum, \_\_\_\_\_ ana uncias duas.

Cum libris decem Aquæ fontis fiat secundum artem Decoctum: coletur cum forti expressione, ac depuratum servetur.

## DECOCTUM AMBROSIANUM

ALIAS

## SYRUPUS SANCTI AMBROSH.

℞. Milii decorticati \_\_\_\_\_ uncias octo

Coque in Aquæ fontis libris octo ad consumptionem tertiæ partis, addendo sub finem

Vini albi \_\_\_\_\_ libram unam.

Post refrigerationem fiat colatura sæpe trajicienda per manicam Hippocratis.

*In arthritide & ischiade ad proliciendum sudorem.*

DE-



## DECOCTUM ANTIVENEREUM

SEPTALII.

℞. Sarsæ Parillæ ————— uncias sex :

Macera per diem in libris quindecim Aquæ calentis: bulliant in vase clauso ad consumptionem tertiæ partis: Sarsam extractam & contusam reafunde proprio decocto, & simul immitte

Carnis Vitulinæ macræ ————— libras tres,

Coriandrorum contusorum ————— unciam unam.

Iterum coque ad remanentiam librarum quinque; addendo circa finem

Cinnamomi ————— drachmas tres.

Cola cum forti expressione, &amp; usui serva.

*Tabidis ex lue venerea auxilio est.*

## DECOCTUM POMPONATHI

VULGO

## AQUA CORSI.

℞. Sarsæ Parillæ,  
Ligni Visci Quercini ————— ana uncias duas,  
Antimonii crudi,  
Lapidis Pumicis, — nodulo inclusorum ana unciam unam & semis.

Infunde & macera per diem in libris vigintiquatuor Aquæ fontis: coque lento igne ad dimidias, & cola per linteum.

*Habe-*



*Habetur pro leniori bidrotico ad strumosos tumores, & alios a lue venerea maxime provenientes.*

---

DECOCTA PURGANTIA.

DECOCTUM CORDIALE SOLUTIVUM.

℞. Pruna Damascena ————— numero quatuor,  
Fructus Sebesten ————— numero sex,  
Tamarindorum ————— drachmas duas,  
Florum Borraginis,  
Buglossæ,  
Violarum, ————— ana pugillum semis.

Infunde in

Aquæ Violarum,  
Borraginis, ————— ana unciiis sex.

Bulliant lento igne ad consumptionem quartæ partis: sub finem adde

Sennæ Orientalis ————— drachmas tres,

Anisorum contusorum ————— scrupulum unum,

Cinnamomi ————— scrupulum semis.

Colatum ac depuratum Decoctum ad usum servetur.

*Ad dissolvenda medicamenta purgantia.*

DE-



## DECOCTUM COMMUNE

## PRO CLYSTERIBUS.

℞. Foliorum Malvæ,  
 Violariæ,  
 Betæ,  
 Mercurialis, — ana partes æquales.

Cum sufficienti quantitate Aquæ communis fiat  
 Decoctum, quod depuratum in usum servetur.

## DECOCTUM CARMINATIVUM

## PRO CLYSTERIBUS.

℞. Seminum Anisi, —  
 Dauci,  
 Cumini,  
 Fœniculi, — ana drachmas tres,  
 Glycyrrhizæ — unciam semis,  
 Summitatum Absinthii — manipulum unum,  
 Florum Chamæmeli — manipulum semis,  
 Passularum — unciam unam & semis.

Coque in libris tribus Aquæ fontis ad medieta-  
 tis consumptionem: colatum ac depuratum Deco-  
 ctum in usum serva.

CLAS.